





ia





LA PRISE

ET

REDVCTION DE LA
VILLE ET CHASTEAV
de Nerac, au service du Roy.

*Par Monsieur le Duc de Mayenne,
suivant l'exécution des com-
mandemens de sa Majesté.*



A PARIS,
Chez Isaac Mesnier, rue saint
Iacques.

M. DC. XXI.
Avec permission.

Case

F

39

.326

1621p2

THE NEWBERRY
LIBRARY



LA PRISE ET REDV-
 ction de la ville & chasteau de
 Nerac au service du Roy.

CHacun avec raison
 peut accorder que les
 armes sont fort neces-
 saires, tant pour con-
 seruer les biens acquis que pour
 en conquister d'autres. On les
 appelle communément armes
 offensives & deffensives.

Nul n'ignore non plus qu'à l'aide
 des armes on repousse les courtes
 & violents efforts des perturba-
 teurs du repos public, & ennemis
 del'Estat, de sorte que sans icel-

les on ne scauroit maintenir la
 paix publique en son entier, d'où
 vient ce precepte commun, que
 durant la paix il faut tenir les ar-
 mes prestes: & que les armes des
 valeureux, & sages Princes appor-
 tent la paix.

L'on scait aussi bien que les pre-
 miers & derniers Empereurs
 pour auoir heureusement manié
 les armes se sont acquis les tiltres
 de victorieux, heureux, trefbons.
 Et à cette cause par la conqueste
 des peuples subiuguez, ont esté
 nommez Asiatiques, Africains,
 Parthiques, Scythiques, Celtiques,
 Salmariques, Alemaniques, &
 semblablement surnoms d'hon-
 neur & de reputation.

A cela se peut rapporter la ré-
 partie d'un grand chef de guerre,
 lequel enquis s'il aymeroit mieux
 estre Achilles qu'Homere voulut

5
prealablement que l'enquesteur
respondist, lequel des deux estoit
plus excellent, ou le trompette,
ou le chef d'armée.

C'est chose notoire aussi que ja-
dis, voire encore de presēt la vail-
lance est plus esclatante & dorée
que l'eloquence: tellement que le
lustre guerrier esueille tant de
gens, qu'ils laissent les liures & la
plume, pour empoigner l'espée.

Plusieurs autres argumens en
nombre presque innombrables
pourroiet estre aduenus, & des hi-
stoires produictes, desquelles il
semble qu'on tire aisément ceste
conclusion, que les armes precel-
lent les bones lettres, & que Mars
surpasse Minerue.

Pour certain, si l'on se rap-
portoit de ceste question aux
Gots qui fourragerent les Grecs,
& rencontrans des monceaux de

liures, traictans de toutes sortes de sciences, n'y touchèrent point, cōme si tels escrits ne seruoient qu'à effeminer & amolir les hommes; & si l'on veut encore croire les Tartares, les Arrabes & les Turcs, & tels autres peuples barbares: ceste troupe d'arbitres pronóceroit en faueur des armes contre les bonnes lettres, toutes fois qu'elles sont necessaires, pour immortaliser la memoire des hauts, & cōme incroyables exploits des Empereurs, Roys, Princes & vaillans Capitaines, lesquels seroient enseuelis dans l'oubly n'estoit que par le moyen d'icelle ils sont rédus immortels.

Ne voyons nous pas en la personne de Monsieur le Duc de Mayenne la vaillâce & l'Eloquence, les genereux effects de ce grand Prince nous font il pas co-

7
gnoistre manifestement qu'il a
les armes, & les lettres pour les
sçauoir conduire, le tout pour le
seruice du Roy & le bien de son
Estat?

Les esmotions dernieres qui sont
arriüés ces iours passez en la ville
de Nerac, qui est en son gouuerné
ment & proche de la ville de Bor-
deaux, tres-importante pour la
Prouince, par le moyen de quel-
que quinze cens hommes tant de
cheual, que de pied, qui s'estoient
sous main retirez en icelle ville,
partie du pays de Bear, & l'autre
du d'Auphiné, par l'aduis de
Messieurs le Duc de Rohan, & la
Force, & autres Seigneurs de la
Religió pretendüe Reformée, en
deliberation de leur saizir de la
place & s'en rendre les maistrés
au preiudice de l'autorité du
Roy.

De quoy fut incontinent aduerty Monsieur le Duc de Mayenne, comme aussi des fortifications qu'ils commençoient pour ce suiet à faire faire à l'entour de ladicte ville, des munitions de guerres, qui sourdement y arriuoient tous les iours, sous fausse apparence, Mondit Seigneur le Duc de Mayenne enuoya promptement vn courrier par deuers le Roy, pour aduertir sa Majesté de tout ce que dessus.

Incontinent le Roy enuoya commission audit sieur Duc pour leuer des troupes pour aller inuestir la ville de Nerac, & deuant icelle planter le Siege, à celle fin de leur faire ressentir à leurs despens l'autorité & le pouuoir de sa Majesté.

Mondit Sieur le Duc de Mayenne (Prince aussi genereux que
l'on

l'on ſçauroit remarquer en la
Chreſtienneté) eſtant fort zelé
à l'oſſeruation des Comman-
demens du Roy, Executa in-
continent ceux de ſa Maieſté;
& en moins de quatre à cinq
iours aſſemble trois mil hom-
mes, tant de Pied que de Che-
ual; conſtant toutesfois ceux
qu'il auoit deſia ſur pied, fai-
ſant ſortir du Chateau Trom-
pette ſept piece de Canon auec
forcé munitions de guerre;
part de la ville de Bourdeaux
auec ſes troupes pour aller
droit à Nerac.

Eſtant arriué proche d'icelle
le dix-ſetieme Iuin dernier,
après auoir inueſtis les adue-
nues, crainte de quelque ſe-
cours, & auoir fait planter le

10
Canon deuant ladicte ville,
trauaille viuument aux tran-
chee, & fait sommer la ville de
se rendre au seruice du Roy,
sur peine de ce rendre criminel
de leze-Majesté.

Sur laquelle sommation ils
prirent conseil, scauoir s'ils
ce rendroient, ou bien s'ils sou-
stiendroient le siege qui leur
estoit prepare: mais voyant la
resolution de ce grand Prince
& valeureux Capitaine; ils
resolurent d'enuoyer par de-
uers luy quelques notables
Bourgeois de ladicte ville, &
luy presenter les clefs d'icelle.

Ce que voyant ledit sieur
Duc, il leur octroya de la part
du Roy tout ce qu'ils luy de-
manderent, & entra par ce

moyen en ladicte ville avec ses troupes le 17. de ce mois, & en fit sortir les compagnies qui y estoient entrees auparavant, plasant au lieu d'icelles de bonnes garnisons, pour tant mieux s'assurer de ladite place & lieux circonuoisins, qui pourroient à leur sujet faire le semblable, mais pour déraffiner du tout ceste pernicieuse rebellion en ce quartier. Mondit sieur le Duc y a tellement mis ordre que l'on ne peut plus d'oresnavant auoir aucune crainte, ains au contraire le tout ne respire que de rendre tout ce qu'ils doiuent legitimement au Roy.

Et puis d'autre costé il n'y a rien d'impossible à vn grand Monarque comme puis estre

nostre tres-Victorieux Roy
 Lovys XIII. lequel déjà en
 sa florissante jeunesse est aussi
 puissant que deffunct Henry
 le Grand (que Dieu absolue)
 son deffunct pere grand en
 force, grand en puissance, grand
 en conseil, grand en courage,
 grand en amys, & sur tout en
 les affaires, Tres grand en la
 Justice de sa cause, & le point
 decisif de laquelle conciste en
 cecy, sçauoir s'il ne doit pas
 estre obey de ces sujets en
 chose en lesquelles il ne les vio-
 lente de rien que ce soit.

Et s'est à ce grand Roy que
 quelques vns de la Religio Pre-
 réduë Reformée sont rebelles
 aux commandemēs de sa Maje-
 ils pensent opposer leurs ar-

mes aux siennes, leurs forces
aux siennes, leurs Soldats aux
siens, & ne pensent pas que la
valeur de nostre Triomphant
Monarque fera dissiper toute
cette poignée de gens qui
voudront se soulever contre
l'autorité de sa Majesté, & en-
suite de ce, Dieu qui prend le
timon & le Gouvernail des af-
faires de son Estat prendra sa
cause en main.

F I N.

Carle en main.
l'ance de son Esprit
rmon & le Gouverneur
lure de ce Dieu en p
l'union de l'Esprit
l'union de l'Esprit
l'union de l'Esprit

213

